



Broj: 02-05-1231/18
Lukavac, 22.08.2018.godine

Na osnovu člana 72. stav (3), tačka c) Zakona o javnim nabavkama („Sl. glasnik BiH“, broj: 39/14) u postupku nabavke usluga osiguranja putničkih motornih vozila i vatrogasnih kamiona, potpunog kasko osiguranja i osiguranja putnika u vozilu, Općinski načelnik d o n o s i

ODLUKU
o dodjeli ugovora četvrtorangiranom ponuđaču

Član 1.

Poništava se Odluka broj: 02-05-1231/18 od 06.08.2018. godine za nabavku usluga osiguranja putničkih motornih vozila i vatrogasnih kamiona, potpunog kasko osiguranja i osiguranja putnika u vozilu kojom je ugovor dodijeljen ponuđaču „CENTRAL OSIGURANJE“ d.d. SARAJEVO.

Član 2.

Ugovor za javnu nabavku dodijeljuje se četvrtorangiranom ponuđaču „ASA OSIGURANJE“ d.d. Sarajevo, prema konačnoj rang listi nakon završene e-aukcije, za ponuđenu cijenu u vrijednosti od 5.927,27 KM.

Član 3.

Ponuđač iz člana 2. ove Odluke je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka d) Zakona o javnim nabavkama BiH, navedene u tački 12.2. d) Tenderske dokumentacije, broj: 02-05-1231/18.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, postupak dodjele ugovora za javnu nabavku dodijeliće se ponuđaču čija je ponuda po rang listi odmah nakon ponude ponuđača „ASA OSIGURANJE“ D.D. SARAJEVO.

Član 4.

Ova odluka objavit će se na intrenet stranici ugovornog organa (www.lukavac.ba).

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1230/18 od 08.05.2018.godine. Javna nabavka sprovedena je konkurentnim postupkom nabavke. Procjenjena vrijednost javne nabavke bez PDV-a je 9.400,00 KM.

Dodatno obavještenje o nabavci broj: 719-7-2-22-3-36/18 objavljeno je na Portalu javnih nabavki dana 11.05.2018. godine.

Komisija za provođenje postupka nabavke imenovana Rješenjem broj: 02-05-1445/18 od 25.05.2018.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1231/18 od 30.05.2018, zapisnik o pregledu i ocjeni ponuda nakon održane e-aukcije broj: 02-05-1231/18 od 04.06.2018. godine, Preporuku o izboru najpovoljnijeg ponuđača broj: 02-05-1231/18 od 04.06.2018. godine i Izvještaj o radu broj: 02-05-1231/18 od 04.06.2018. godine.



U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno osam ponuda;
- da je blagovremeno primljeno osam ponuda;
- da nije bilo neblagovremeno primljenih ponuda;
- da su ponude ponuđača SARAJEVO OSIGURANJE OSIGURANJE DD Sarajevo, Podružnica Tuzla, GRAWE OSIGURANJE DD Sarajevo, DRINA OSIGURANJE AD, Filijala Tuzla, ASA OSIGURANJE DD Sarajevo, CENTRAL OSIGURANJE, Podružnica Tuzla, EUROHERC OSIGURANJE, Podružnica Tuzla i TRIGLAV OSIGURANJE DD Sarajevo, Podružnica Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način i
- da ponuda ponuđača BRČKO-GAS OSIGURANJE dd Brčko, Podružnica Tuzla nije kvalifikovana. Naime, ponuđač BRČKO-GAS OSIGURANJE dd Brčko, Podružnica Tuzla, je u obrascu za cijenu ponude, pod tačkom III - KASKO OSIGURANJE VOZILA, redni broj 2. „Potpuno kasko osiguranje sa uključenim rizikom krađe, bez učešća u šteti za vozilo KODIAQ STYLE 2.0 TDI CR 4x4“ upisao cijenu u iznosu od 1.980,43 KM, a ispod cijene u zagradi (GRATIS). Postupajući na naprijed navedeni način, ponuđač nije pripremio ponudu u skladu sa kriterijima koji su utvrđeni u tenderskoj dokumentaciji, odnosno nije na za to predviđenom mjestu naveo iznos popusta i za koje vozilo daje popust. U vezi s naprijed navedenim, Komisija je u skladu sa tačkom 14. i 18. Tenderske dokumentacije, te članom 68. stav 1. Zakona o javnim nabavkama („Službeni glasnik BiH“, broj 39/14), ponudu odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 9.400,00 KM i da je kriterij za dodjelu ugovora najniža cijena.

Ponuđač „TRIGLAV OSIGURANJE d.d. Sarajevo, Podružnica Tuzla dostavio je prihvatljivu ponudu sa konačnom cijenom nakon e-aukcije u iznosu od 5.180,00 KM.

Budući da je izabrani ponuđač „TRIGLAV OSIGURANJE d.d. Sarajevo, Podružnica Tuzla odbio popisati ponuđeni ugovor, tj. nije pristao na primjenu člana 8. stav 3. Pravilnika o uslovima i načinu korištenja e-aukcije („Službeni glasnik BiH“, broj: 66/16) i isti vratio nepotpisane ugovore, ugovor je dodijeljen ponuđaču „GRAWE OSIGURANJE“ DD Sarajevo.

Nakon toga ponuđač „GRAWE OSIGURANJE d.d. Sarajevo je odbio popisati ponuđeni ugovor, tj. nije pristao na primjenu člana 8. stav 3. Pravilnika o uslovima i načinu korištenja e-aukcije („Službeni glasnik BiH“, broj: 66/16) te je ugovor je dodijeljen ponuđaču „CENTRAL OSIGURANJE“ DD Sarajevo, Podružnica Tuzla.

Budući da je i ponuđač „CENTRAL OSIGURANJE d.d. Sarajevo odbio popisati ponuđeni ugovor, tj. nije pristao na primjenu člana 8. stav 3. Pravilnika o uslovima i načinu korištenja e-aukcije („Službeni glasnik BiH“, broj: 66/16) ugovor je dodijeljen ponuđaču „ASA OSIGURANJE“ d.d. Sarajevo.

Uzimajući u obzir gore navedeno, a primjenom člana 72. stav. 3. tačka c) Zakona o javnim nabavkama BiH („Službeni glasnik BiH“, broj 39/14), riješeno je kao u dispozitivu ove Odluke.

Dostaviti:

1. Web-stranica ugovornog organa;
2. Evidenciji;
3. Arhivi.


OPĆINSKI NAČELNIK
Dr. Sci. Edin Delić